



Халқ сўзи

Ўзбекистон –
келажаги
буюк
давлат

2023 йил — инсонга эътибор ва сифатли таълим йили

1991 йил 1 январдан чиқа бошлаган • WWW.XS.UZ • E-mail: Info@xs.uz • 2023 йил 12 сентябрь, № 190 (8533)

Сешанба

Сайтимизга ўтиш учун QR-кодни телефонингиз орқали сканер қилинг.



Ўзбекистон Республикаси Президентининг
ФАРМОНИ

«ЎЗБЕКИСТОН — 2030» СТРАТЕГИЯСИ ТЎҒРИСИДА

2023 йил 30 апрелда ўтказилган референдумда умумхалқ овоз бериш орқали Ўзбекистон Республикасининг янги тахрирдаги Конституцияси қабул қилинганлиги Янги Ўзбекистонни барпо этишнинг конституциявий асосларини мустаҳкамлашга хизмат қилди.

Янги тахрирдаги Конституцияга мувофиқ ўтказилган президентлик сайлови яна бир бор жамиятимизнинг сиёсий етуқлиги, Янги Ўзбекистоннинг барпо этиш йўлида амалга оширилаётган ислохотларни халқимиз тўлиқ қўллаб-қувватлаганидан далолат бермоқда.

Шу билан бирга, янгиланган конституциявий-ҳуқуқий шароитларда мамлакатимиз тараққиётининг асосий йўналишларини такомиллаштириш ва амалга оширилаётган кенг қўламли ислохотларни янги босқичга олиб чиқиш талаб этилмоқда.

Халқимизнинг эркин ва фаровон, қудратли Янги Ўзбекистонни барпо этиш бўйича хоҳиш-иродасини рўйбга чиқариш, ҳар бир фуқарога ўз салоҳиятини ривожлантириш учун барча имкониятларни яратиш, соғлом, билимли ва маънавий баркамол авлодни тарбиялаш, глобал ишлаб чиқаришнинг муҳим бўлинига айланган кучли иқтисодийни шакллантириш, адолат, қонун устуворлиги, хавфсизлик ва барқарорликни кафолатли таъминлаш мақсадида:

1. Янги Ўзбекистон тараққиёт стратегиясини амалга ошириш жараёнида орттирилган тажриба ва жамоатчилик муҳокамаси натижалари асосида ишлаб чиқилган **“Ўзбекистон — 2030” стратегияси** 1-иловага мувофиқ тасдиқлансин.

“Ўзбекистон — 2030” стратегиясида қуйидаги **асосий гоғлар** акс эттирилганлиги инобатга олинсин:

барқарор иқтисодий ўсиш орқали **даромади ўртачадан юқори бўлган давлатлар қаторидан** ўрин олиш;
аҳоли талабларига ва халқаро стандартларга тўлиқ жавоб берадиган **таълим, тиббиёт ва ижтимоий ҳимоя** тизимини ташкил қилиш;
аҳоли учун **қулай экологик шароитларни** яратиш;
халқ хизматидаги **адолатли ва замонавий** давлатни барпо этиш;
мамлакатнинг **суверенитети ва хавфсизлигини** кафолатли таъминлаш.

2. Қуйидагилар: **“Ўзбекистон — 2030” стратегиясини** амалга ошириш ва унинг **мақсадли кўрсаткичларига** эришиш барча давлат органлари ва ташкилотлари фаолиятида энг устувор вазифа этиб белгилансин ҳамда бу бўйича уларнинг биринчи раҳбарлигига **шахсий масъулият** юклансин;

“Ўзбекистон — 2030” стратегияси доирасида Янги Ўзбекистон тараққиёт стратегиясида белгиланган ва амалга оширилиши давом этаётган, ўз аҳамиятини йўқотмаган барча мақсадларга эришиш ва долзарб вазифалар бажарилиши таъминлансин.

3. **“Ўзбекистон — 2030” стратегиясини амалга ошириш бўйича Республика комиссияси** (кейинги ўринларда — Республика комиссияси) таркиби 2-иловага мувофиқ тасдиқлансин.

Республика комиссияси (А.Арипов) зиммасига:

а) **“Ўзбекистон — 2030” стратегиясининг** тўлиқ, ўз вақтида ва сифатли бажарилишини ташкил этиш, шунингдек, уни амалга ошириш бўйича тегишли йиллик дастурларни тайёрлаш ва ижросини мувофиқлаштириш;

б) **“Ўзбекистон — 2030” стратегияси доирасидаги** ислохотлар бўйича тадбирларнинг аҳоли томонидан билдирилган фикр ва ташаббуслар асосида сифатли амалга оширилиши, белгиланган кўрсаткичларга эришилишини назорат қилиб, натижаси юзасидан **ҳар ярим йилда** Ўзбекистон Республикаси Президентига ахборот киритилишини таъминлаш;

в) **икки ой муддатда:** Янги Ўзбекистон тараққиёт стратегиясининг **жойларда амалга оширилиши натижалари** танқидий ўрганилишини;

аҳоли ўртасида Янги Ўзбекистон тараққиёт стратегиясини амалга ошириш **натижалари кенг муҳокама қилиниши, фуқароларнинг мазкур масала бўйича таклифлари тизимлаштирилган** ҳолда таҳлил этилишини;

ўтказилган ўрганишлар натижасига кўра, Янги Ўзбекистон тараққиёт стратегиясида белгиланган мақсад ва вазифаларни рўйбга чиқаришга тўсқинлик қилаётган тизимли омилларни аниқлаш ва **“Ўзбекистон — 2030” стратегиясини амалга ошириш** доирасида уларнинг олдини олиш бўйича аниқ чоралар кўрилишини таъминлаш вазифалари юклансин.

4. Қорақалпоғистон Республикаси Жўқорги Кенгеси, вилоятлар ва Тошкент шаҳар халқ депутатлари Кенгашларига **“Ўзбекистон — 2030” стратегиясининг ҳудудлар кесимида ихро этилиши юзасидан** вазирлик ва идоралар ҳудудий бўлинмалари раҳбарларининг **ахборотини ҳар чоракда эшитиш ва танқидий муҳокама қилиб бориш** тавсия этилсин.

(Давоми 2-бетда).



Ўзбекистон Республикаси Президентининг
ҚАРОРИ

«ЎЗБЕКИСТОН — 2030» СТРАТЕГИЯСИНИ 2023 ЙИЛДА СИФАТЛИ ВА ЎЗ ВАҚТИДА АМАЛГА ОШИРИШ ЧОРА-ТАДБИРЛАРИ ТЎҒРИСИДА

Ўзбекистон Республикаси Президентининг 2023 йил 11 сентябрдаги “Ўзбекистон — 2030” стратегияси тўғрисида”ги ПФ-158-сон Фармонида мувофиқ, шунингдек, “Ўзбекистон — 2030” стратегиясининг “Инсонга эътибор ва сифатли таълим йили”да сифатли ва ўз вақтида амалга оширилишини таъминлаш мақсадида:

1. **“Ўзбекистон — 2030” стратегиясида** қуйидаги **устувор йўналишлар** белгиланганлиги маълумот учун қабул қилинсин:

ҳар бир инсонга ўз салоҳиятини рўйбга чиқариш учун муносиб шароитлар яратиш;

барқарор иқтисодий ўсиш орқали аҳоли фаровонлигини таъминлаш; сув ресурсларини тежаш ва атроф-муҳитни муҳофаза қилиш; қонун устуворлигини таъминлаш, халқ хизматидаги давлат бошқарувини ташкил этиш; “хавфсиз ва тинчликсевар давлат” тамойилига асосланган сиёсатни изчил давом эттириш.

2. **“Ўзбекистон — 2030” стратегиясининг ҳар бир инсонга ўз салоҳиятини рўйбга чиқариш учун муносиб шароитлар яратиш йўналиши** доирасида:

а) **2024 йил 1 январдан бошлаб:** давлат мактабга таълим ташкилотлари тарбияланувчиларига **оқил, витамин ва минераллар билан бойитилган сут, йод билан тўйинтирилган нон маҳсулотлари** берилиши йўлга қўйилсин; Хоразм вилоятининг Қўшқўпир ва

Хонқа туманларида эксперимент тариқасида, барча бошланғич синф ўқувчилари **таълим планшетлари билан** таъминлансин, келгусида мазкур тахриба республиканинг барча ҳудудларида босқичма-босқич жорий этилсин; банкларнинг **нодавлат умумий ўрта таълим ташкилотлари фаолиятини йўлга қўйиш** учун миллий валютада ажратиладиган, қиймати **20 миллиард сўмгача бўлган кредитлар** бўйича, фоиз ставкасининг Марказий банк асосий ставкасидан ошадиган, лекин унинг **1,5 бараваридан кўп бўлмаган қисмини қоплаш учун** Давлат бюджети ҳисобидан **компенсация** тақдим этиш амалиёти йўлга қўйилсин;

б) **2023/2024 ўқув йилидан бошлаб** умумий ўрта таълим муассасаларининг касб-ҳунар эгаси бўлиш истагидаги 10-синф ўқувчилари учун **тегишли ҳудудларда талаб юқори бўлган касб-ҳунарларга ўргатиш курслари** жорий этилсин.

Бунда, дастлабки босқичда ушбу тартиб зарур кадрлар салоҳияти ва **моддий-техника базасига эга бўлган** ҳамда **Мактабгача ва мактаб таълими вазирлиги томонидан белгиланган** умумий ўрта таълим муассасаларида жорий этилсин;

в) **2023/2024 ўқув йилидан бошлаб** Президент мактаблари ва ихтисослаштирилган мактаблар умумий ўрта таълим муассасалари учун **“таянч мактаб”** этиб белгилансин.

Бунда, умумий ўрта таълим муассасалари ўқитувчилари “таянч мактаб-

лар” томонидан **янги таълим дастурлари, дарс ўтишининг илғор методикалари ва ўқувчи билимини баҳолашнинг замонавий усуллари**га ўргатилади.

3. Белгилансинки, **2024 йил 1 январдан бошлаб:**

онкогематологик касалликларга **чалинган болалар** учун Болалар гематологияси, онкологияси ва клиник иммунологияси маркази ҳамда Болалар миллий тиббиёт марказида **гемопозитик суяк кўмиги ўзақ хужайралари трансплантацияси амалиёти** жорий этилади;

вирусли гепатитнинг “С” тури билан касалланган беморларни ҳамда гемопозитик суяк кўмиги **ўзақ хужайралари трансплантацияси** муолажазасига муҳтож **онкологик касалликларга чалинган болаларни тўлиқ Давлат бюджети маблағлари** ҳисобидан даволаш йўлга қўйилади.

4. Шундай тартиб ўрнатилсинки, унга мувофиқ:

а) **2023 йил 1 октябрдан бошлаб** **оғир ҳаётий вазиятга тушган** ёки **тушishi хавфи юқори бўлган** ҳар бир оила бўйича алоҳида **“ижтимоий хизмат иши”**ни юритиш тартиби амалиётга жорий этилади. Бунда, ушбу оилаларда **шароитни яхшилаш**, уларга **даволаш, дори воситалари билан таъминлаш, фарзандларини мактабгача ва мактаб таълими ташкилотларига жойлаштириш, моддий ёрдам бериш** каби ижтимоий хизматлар кўрсатиш назарда тутилади;

(Давоми 2-бетда).



Депутатлар — ҳудудларда

КОНСТИТУЦИЯВИЙ ИСЛОҲОТЛАР ИЖРОСИДА МАСЪУЛЛИК

Инвестицияларни жалб этиш, sanoat ва тадбиркорликни ривожлантириш, қишлоқ хўжалиги ерларидан унумли фойдаланиш, ҳуқуқбузарликларнинг олдини олиш, жиноятчиликка қарши курашиш, камбағалликни қисқартириш, бандликни таъминлаш, озик-овқат маҳсулотларини кўпайтириш, аҳоли ва иқтисодиёт тармоқларини энергия ресурслари билан самарали кафолатлаш мамлакатимиз ижтимоий-иқтисодий сиёсатининг асосий мақсади саналади.

Кейинги йилларда юртимизда бу борада салмоқли ишлар қилинди. Натижада ўн минглаб, юз минглаб ишсиз ёшлар, хотин-қизлар бандлигини таъминлашга эришилди. Жиноятчиликнинг барвақт олдини олиш ҳамда аҳолига энергия ресурсларини етказиш бўйича кўрилган чора-тадбирлар ўз самарасини бераётир.

Эътиборлиси, ушбу масалалар давлатимиз раҳбарининг ҳам доимий эътиборида бўлиб келмоқда. Президентимиз шу йил Фарғона, Тошкент ва Бухоро вилоятларига ташрифлари чоғида ушбу масалаларга алоҳида эътибор қаратиб, мамлакатимиз тараққиётига бевоcита дахлдор бўлган муҳим масалалар юзасидан видеоcелектор йиғилишлари ўтказди. Бу борадаги ишларни янада жадаллаштириш юзасидан келгусидаги устувор вазифаларни белгилаб берди.

Улар ижросини таъминлашда вакиллик органлари ҳам фаол иштирок этиб, уларнинг бажарилиши юзасидан самарали парламент ва депутат назоратини олиб бормоқда.

Мавжуд муаммоларни ҳал этиш чоралари кўрилди

Олий Мажлис Қонунчилик палатаси Спикери ўринбосари А. Ҳайтов бошчилигида бир гуруҳ депутатлар Сирдарё вилоятида ўрганишлар олиб бормоқда.

Хусусан, Гулистон шаҳридаги ўрганишлар давомида ҳудудий инвестиция лойиҳаларининг ишга туширилиши, тўғридан-тўғри хорижий инвестицияларни жалб этиш ҳамда экспорт прогнозларининг бажарилиши таҳлил қилинди.

Ишчи гуруҳ аъзолари Гулистон шаҳрида фаолият юритаётган бир қатор тадбиркорлик субъектлари, ишлаб чиқариш корхоналарида бўлиб, мавжуд муаммоларга ечим излаш борасида мутасаддилар иштирокида муҳокамалар ўтказди. Асосий мақсад Сирдарёни sanoat, тадбиркорлик, қишлоқ хўжалиги, таълим ва тиббиёт соҳаларида “илғор инновациялар ҳудуди”га айлантиришга кўмаклашидир.

Шунингдек, Гулистон шаҳрида иқтисодиёт тармоқлари, ижтимоий соҳа объектлари ва кўп квартирали уй-жой фондини 2023 йилнинг куз-киш даврида барқарор ишлашга тайёрлашни таъминлашга доир тасдиқланган параметрлар бажарилиши устидан ўрганиш олиб борилди.

Учрашувлар давомида кўп квартирали тураржой фондини мукамал таъмирлаш, ҳудудлардаги талаб даражасида бўлмаган кўп квартирали уйларнинг санитария-гигиеник ҳолатларини яхшилаш, иссиқлик таъминоти, кўмир захирасини яратиш, ичимлик суви, электр тармоқлари, табиий ва суьелтирилган газ объектлари ҳамда усқуналарини куз-киш мавсумига тайёрлаш масалаларига алоҳида эътибор қаратилди.



Кўз ўнгимиздаги ўзгаришлар

БУХОРО — ЯНГИ ЎЗБЕКИСТОННИНГ ДУРУ ГАВҲАРИ



Бу қадимий шаҳар номи тилга олинганда беихтиёр кўз ўнгимизда инсоният тамаддунига беназир ҳисса қўшган, дунё аҳли томонидан маданият ва маърифат бешиги сифатида эътироф этилган кўхна кент гавдаланиши рoст. Тиб илмининг султони Ибн Сино, буюк аллома Имом Бухорий, тарихшунослик зарғари Муҳаммад Наршахий, тасаввуф пирларидан саналган Баҳроуддин Нақшбанд каби ўнлаб закий олим уламоларга бешик бўлган бу қадимий юрт не бахтки, истиқлол йилларида янгиланиш, яшариш сари юз бурди. Янги Ўзбекистоннинг дуру гавҳарига айланди.



Адабиётимизнинг улкан вакилларида**н бири, атоқли адабиётшунос олим, моҳир адиб ва таржимон, жонкуяр публицист Иброҳим Ғафуров тимсолида мен бутун онгли ҳаётини миллий маънавиятимиз равнақига бағишлаб келаётган фидойи шахс, ҳалол ва камтарин инсонни кўраман.**

Шавкат МИРЗИЁЕВ,
Ўзбекистон Республикаси Президенти

МАЪНАВИЯТ УММОНИДАН САККИЗТА НОЁБ МАРВАРИД

Яқинда нишонланган Ватанимиз мустақиллигининг 32 йиллиги байрамига янги ва ранг-баранг, моддий, маънавий, маърифий тухфалар жуда кўп бўлди. Ўзбекистон Қаҳрамони, таниқли олим ва адиб, адабиётшунос, моҳир таржимон Иброҳим Ғафуровнинг “Асарлар/Адабиёт дунёси: саккиз жилдлик тўплами” шулар жумласидан.

Мутолаа

Таниқли адабиётшунос нақд ярим асрдан бери ўзбек адабиёти жараёнларини тeрaн таҳлил, тадқиқ ва талқин этиб кeлади. Бадииятда ҳаққонийлик ҳамда инсонийлик, адолат ва миллий ўзига хослик, илмийлик ҳамда холислик принципларининг намоён бўлиши ҳолатларини кузатади. Шу маънода, устознинг маънавият уммо-

нидан ноёб марваридлардек ушбу саккизта китоби қўлига етиб борган ҳар бир ўзбек китобхони кўнглидан, даставвал, Юртбошимизнинг қуйидаги эътирофи кечган бўлса ажаб эмас: **“Иброҳим Ғафуров ўзининг бекиёс ижодий ва ижтимоий фаолияти билан эл-юртимизга жуда катта хизмат қилган улуг замондошимиздир. Ишонаманки, у киши бундан кейин ҳам ўзининг янги-янги, гўзал ва баркамол асарлари билан барчамизни, бутун халқимизни хушнуд этади”.**

Беҳаловат сўз заргари

Устоз Иброҳим Ғафуров ҳақида сўз борганда, Мустақиллигимизнинг 30 йиллиги муносабати билан фахрий унвонлар, орден ва медалларга сазовор бўлган бир гуруҳ юртдошларимизга Кўксаройда, Президентимиз Шавкат Мирзиёев иштирокида ушбу мукофотларни топишириш маросими бўлиб ўтганини мароқ ва ифтихор билан эслайман.

Давлатимиз раҳбари ўшанда таниқли адабиётшунос олим ва моҳир таржимон, машҳур адиб ва меҳрибон мураббий Иброҳим Ғафуровга “Ўзбекистон Қаҳрамони” унвони гувоҳномаси ва “Олтин юлдуз” медалини шахсан тақдим этар экан, жумладан, шундай деди:

— Мен Эркин Воҳидов ва Абдулла

Орипов билан дўст эдим. Абдулла Орипов билан Зомин мактабини ташкил қилган эдик. Эркин аканинг бир гаплари бўлар эди: “агар ўзбек тилининг буюклигини билишни хоҳласанг, Иброҳимжондан сўраш керак”, дерди. Иброҳим ака миллий адабиётимизнинг ана шундай забардаст намоянчаси.

Бу юксак эътироф Иброҳим ака асарлари саккиз жилдлигининг биринчи жилди ilk саҳифаларида ҳам акс этган. Китобга “Президент Шавкат Мирзиёевнинг Ўзбекистон Қаҳрамони Иброҳим Ғафуров ҳақидаги фикрлари” номли кириш сўзи берилганининг ўзиёқ ушбу янги нашр моҳияти ва аҳамияти янги Ўзбекистон юрсияга мутаносиб равишда нечоғли салмоқдор эканлигини аққол кўрсатиб турибди.



Ўзбекистон Республикаси Президентининг
Ф А Р М О Н И
«ЎЗБЕКИСТОН – 2030»
СТРАТЕГИЯСИ ТЎҒРИСИДА

(Давоми. Бошланиши 1-бетда).

5. “Ўзбекистон — 2030” стратегияси ва уни бажариш бўйича амалий чора-тадбирлар **ижроси**, тегишли **мақсадли кўрсаткичларга** эришилиши ва улар доирасида норматив-ҳуқуқий ҳужжатлар ўз вақтида **ишлаб чиқилиши** устидан **назоратни куйидаги тартибда** амалга ошириш белгилансин:

а) Адлия вазирлиги Хисоб палатаси, “Тараққиёт стратегияси” маркази ва “Юксалиш” умуммиллий ҳаракати билан биргаликда **“Ўзбекистон — 2030” стратегияси** ва уни тегишли йилларда амалга ошириш бўйича чора-тадбирлар бажарилишини тизимли мониторинг қилиб, унинг натижаларини **ҳар ойда** Республика комиссиясига қиритиб боради;

б) Қорақалпоғистон Республикаси Жўқорғи Кенгеси, вилоятлар, туманлар ва шаҳарлар халқ депутатлари Кенгашлари ўз ҳудудларида **“Ўзбекистон — 2030”** стратегияси ижросининг тегишли йилларда ҳудудлар кесимида амалга оширилиши бўйича **ҳар чоракда** назорат тадбирларини ўтказди;

в) Вазирлар Маҳкамаси **ҳар ойда “Ўзбекистон — 2030” стратегияси** амалга оширилишини **Бош вазир ўринбосарлари ҳузурда** танқидий қўриб чиқишни таъминлайди, **ҳар чоракда Ҳукумат мажлисларида муҳокама қилиб боради** ҳамда ўз вақтида ва тўлиқ бажарилмаган тадбирлар юзасидан **Ҳукумат аъзоларига, шу жумладан, вазирларга нисбатан тегишли чоралар** қўради ҳамда **ҳар ярим йилда** Олий Мажлис Қонунчилик палатасига **“Ўзбекистон — 2030” стратегияси** амалга оширилиши юзасидан **ҳисобот тақдим қилади**.

6. Вазирлар Маҳкамаси (А.Арипов) **бир ой муддатда:** “Ўзбекистон — 2030” стратегиясини **2023-2024 йилларда ҳудудлар кесимида амалга ошириш чора-тадбирлари** бўйича Ҳукумат қарорлари қабул қилинишини; “Ўзбекистон — 2030” стратегиясидаги йўналиш ва мақсадлардан келиб чиққан ҳолда **Бош вазир ўринбосарларига бириктирилган тармоқ ва соҳалар кесимида аниқ вазифалар** белгиланишини таъминласин.

7. Адлия вазирлиги масъул вазирлик ва идоралар билан биргаликда **“Ўзбекистон — 2030” стратегияси** доирасида норматив-ҳуқуқий ҳужжатлар лойиҳаларининг **сифатли ва ўз вақтида** ишлаб чиқилиши, келишилиши, жамоатчилик муҳокамасига қўйилишига амалий ёрдам кўрсатиб босин.

8. “Ўзбекистон — 2030” стратегияси — **халқ стратегияси**” шиори остида белгиланган ислохотларнинг изчил, сифатли ва ўз вақтида бажарилиши юзасидан самарали жамоатчилик назоратини ўрнатиш мақсадида **“Тараққиёт стратегияси”** маркази:

Рақамли технологиялар вазирлиги билан биргаликда **икки ҳафта муддатда “Ўзбекистон — 2030” стратегияси** ижросининг таъминланиш даражаси, унда белгиланган ислохотларнинг сифатли амалга оширилишини **аҳоли томонидан ҳар бир мақсад ва ундаги кўрсаткичлар кесимида баҳолаш**, улар юзасидан **ўз фирқаларини қолдириш** ва ташаббуслар билдириш **имкониятини яратувчи онлайн портални** ишга туширсин;

ҳар ойда баҳолаш натижалари ва аҳолидан келиб тушадиган фикр-мулоҳазаларни умумлаштириб, Республика комиссиясига тақдим этиб босин;

2030 йилгача бўлган даврда барқарор ривожланиш соҳасидаги миллий мақсад ва вазифаларни амалга ошириш бўйича мувофиқлаштирувчи кенгаш (Ж.Қўчқоров) билан биргаликда **ҳар йили “Ўзбекистон — 2030” стратегиясининг Бирлашган Миллатлар Таъшилотининг “Барқарор ривожланиш мақсадлари”га мувофиқ** амалга оширилиши бўйича таҳлилни **жамоатчилик билан биргаликда** ўтказиш ва натижаларини эълон қилиб бориш тизимини йўлга қўйсин;

“Ўзбекистон — 2030” стратегияси ва уни тегишли йилларда амалга ошириш бўйича чора-тадбирлар бажарилиши аянқларига бағишланган **ахборот-таҳлилий шарҳларни тайёрлаш, уларни хорижий тилларда эълон қилиш ва кенг тарқатишни** таъминласин.

9. Ахборот ва оммавий коммуникациялар агентлиги, Ўзбекистон Миллий телерадиокомпанияси ва Ўзбекистон Миллий ахборот агентлиги оммавий ахборот воситалари билан биргаликда мунтазам равишда:

“Ўзбекистон — 2030” стратегиясида белгиланган **мақсад ва вазифаларнинг оммавий ахборот воситаларида, шу жумладан, Интернет жаҳон ахборот тармоғида ва ижтимоий тармоқларда кенг шарҳлаб борилишини** ҳамда унинг мазмун-моҳияти жамоатчиликка етказилишини;

“Ўзбекистон — 2030” стратегияси доирасида амалга оширилаётган чора-тадбирларнинг ижроси ва белгиланган мақсадли кўрсаткичларга эришиш ҳолати юзасидан **аҳолига ҳолис ва тўлиқ маълумот** етказилишини таъминласин.

10. Мазкур Фармон ижросини самарали ташкил қилишга масъул ва шахсий жавобгар этиб **вазирлик ва идоралар раҳбарлари, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари** белгилансин.

Мазкур Фармон ижросини **ҳар ярим йилда** муҳокама қилиб бориш, ижро учун масъул ташкилотлар фаолиятини мувофиқлаштириш ва назорат қилиш **Республика комиссияси** зиммасига юклансин.

Амалга оширилган чора-тадбирлар тўғрисида **ҳар йил якуни бўйича** Ўзбекистон Республикаси Президентига ахборот қиритиб борилсин.

Ўзбекистон Республикаси Президенти	Ш. МИРЗИЁЕВ
Тошкент шаҳри, 2023 йил 11 сентябрь	

Ўзбекистон Республикаси Президентининг
Қ А Р О Р И

«ЎЗБЕКИСТОН – 2030» СТРАТЕГИЯСИНИ 2023 ЙИЛДА СИФАТЛИ
ВА ЎЗ ВАҚТИДА АМАЛГА ОШИРИШ ЧОРА-ТАДБИРЛАРИ ТЎҒРИСИДА

(Давоми. Бошланиши 1-бетда).

б) **2024 йил 1 январдан бошлаб:**

Тошкент шаҳрининг тиббиёт муассасаларида давлат томонидан **кафолатланган бепул тиббий хизматлар ҳажми ва дори воситалари рўйхатини амалиётга қиритишни** назарда тутувчи **давлат тиббий суғуртаси механизмлари** босқичма-босқич жорий этилади; ногиронлиги бўлган шахсларни **протез-ортопедия бўумлари, реабилитация** ҳамда **дори воситалари билан таъминлаш** ишлари **“ваучер”** тизими асосида босқичма-босқич ташкил этилади. Бунда ногиронлиги бўлган шахсларга **товар ва хизматларни ўзлари танлаган етказиб берувчидан харид қилиш** имконияти яратилади ва уларнинг харажатлари **Давлат бюджети маблағлари ҳисобидан** қоплаб берилади.

5. Хотин-қизларнинг **ижтимоий фаоллигини** ошириш, уларга **ўз салоҳиятини тўлақонли рўёбга чиқариши** учун қўшимча шарт-шароитларни яратиш мақсадида **2024 йил 1 январдан бошлаб** огир ижтимоий аҳволга тушиб қолган хотин-қизларни **қайта касбга тайёрлаш харажатларини** давлат томонидан қоплаб бериш тартиби жорий этилсин.

6. “Ўзбекистон — 2030” стратегиясининг **ҳар бир инсонга ўз салоҳиятини рўёбга чиқариш учун муносиб шaroитлар яратиш** йўналиши бўйича:

2023 йилга мўлжалланган амалий тадбирлар режаси 1-иловага мувофиқ;

2023-2024 йилларга мўлжалланган мақсадли кўрсаткичлар 1а-иловага мувофиқ;

2023 йилда ишлаб чиқиладиган норматив-ҳуқуқий ҳужжатлар лойиҳалари рўйхати 16-иловага мувофиқ тасдиқлансин.

7. “Ўзбекистон — 2030” стратегиясининг **барқарор иқтисодий ўсиш орқали аҳоли фаровонлигини таъминлаш** йўналиши доирасида:

а) **2023 йил 1 октябрдан бошлаб** тадбиркорлик субъектларига миқдори **10 миллион сўмдан** юқори бўлган солиқча оид ҳуқуқбузарликлар учун, агар тадбиркорлик субъекти ҳуқуқбузарлиқни инкор этса, **молиявий санкцияларни фақатгина суд тартибида қўллаш** амалиёти йўлга қўйилсин;

б) **2024 йил 1 январдан бошлаб:**

қишлоқ хўжалиги маҳсулотларини етиштирувчиларга ҳосилни **суғурталашда суғурта мукофотининг 50 фоизи** миқдорида **субсидия** бериш тартиби жорий этилсин;

“Изланиш ва ривожланиш” (R&D) марказлари учун улар ташкил этилган кундан бошлаб **3 йил муддатга** мол-мулк солиғи ва ер солиғи бўйича ҳисобланган сумма миқдорининг **1 фоизини** тўлаш, уларнинг ҳодимлари учун ижтимоий солиқ ставкасини **1 фоиз** миқдорида ҳисоблаш тартиби жорий этилсин;

давлат улуши **50 фоиздан** юқори бўлган ташкилотлар томонидан ҳар йили амалга ошириладиган инвестиция лойиҳалари қийматининг камида **5 фоизини облигациялар чиқариш орқали** молиялаштириш тартиби жорий этилсин.

8. **2024 йил 1 январдан бошлаб** жисмоний ва юридик шахсларга қўшилган қиймат солигини **тўлиқ қайтариб бериш** тизими қуйидагилар ҳисобидан кенгайтирилсин:

хорижий туристларга — Ўзбекистон халқаро аэропортларида Ўзбекистон ҳудудида сотиб олинган ва “Tax free” тизими бўйича расмийлаштирилган маҳсулотлар учун;

тур-операторларга — хорижий контрагентлар билан шартномалар доирасида кўрсатилган экспорт хизматлари учун.

9. Иқтисодиёт ва молия вазирлигининг **қуйидагиларни назарда тутувчи тақлифлари** маъқуллансин:

Ўзбекистонда давлат-хусусий шериклик лойиҳаларини ишлаб чиқиш жамғармасини ташкил этиш ва унинг асосий вазифалари сифатида **энергетика, коммунал хўжалик, транспорт, экология, соғлиқни сақлаш, таълим ва бошқа устувор соҳаларда** давлат-хусусий шериклик лойиҳалари ҳужжатларини **сифатли ишлаб чиқишни** белгилаш;

давлат-хусусий шериклик лойиҳаларидан келиб чиқувчи давлатнинг тўғридан тўғри ва шартли мажбуриятларини **мониторинг қилиш, бошқариш ва тартибга солиш тизимини** амалиётга татбиқ этиш;

Давлат бюджетте лойиҳасини шакллантириш ва ижроси бўйича ҳисоботларда **бюджет харажатларининг барқарор ривожланиш миллий мақсадларига мувофиқлиги ва иқлим ўзгаришига таъсирини кўрсатиб бориш** (маркировкалаш) механизмларини жорий этиш.

Иқтисодиёт ва молия вазирлиги (Ж.Қўчқоров):

а) **икки ҳафта** муддатда:

халқаро молия институтларини жалб қилган ҳолда **Ўзбекистонда давлат-хусусий шериклик лойиҳаларини ишлаб чиқиш жамғармаси фаолиятини самарали ташкил этиш** бўйича Ўзбекистон Республикаси Президенти қарори лойиҳаси;

давлат-хусусий шериклик лойиҳаларидан юзага келиши мумкин бўлган **давлатнинг мажбуриятларини бошқариш ва тартибга солиш механизмларини белгилувчи** Ҳукумат қарори лойиҳаси;

б) **2024 йил 1 январга қадар** Давлат бюджети харажатларининг барқарор ривожланиш **миллий мақсадларига мувофиқлиги ва иқлим ўзгаришига таъсирини кўрсатиб бориш** (маркировкалаш) **механизмларини** жорий этиш бўйича Ҳукумат қарори лойиҳаси қиритилишини таъминласин.

10. “Ўзбекистон — 2030” стратегиясининг **барқарор иқтисодий ўсиш орқали аҳоли фаровонлигини таъминлаш** йўналиши бўйича:

2023 йилга мўлжалланган амалий тадбирлар режаси 2-иловага мувофиқ;

2023-2024 йилларга мўлжалланган мақсадли кўрсаткичлар 2а-иловага мувофиқ;

2023 йилда ишлаб чиқиладиган норматив-ҳуқуқий ҳужжатлар лойиҳалари рўйхати 26-иловага мувофиқ тасдиқлансин.

11. “Ўзбекистон — 2030” стратегиясининг **сув ресурсларини тежаш ва атроф-муҳитни муҳофаза қилиш** йўналиши доирасида:

а) **2023 йил 1 ноябрдан бошлаб:**

иқтисодий экологик экспертиза хулосасини олмаган объектларга нисбатан **молиялаштириш, кредитлаш ва бошқа молия операцияларини тўхтатиб туриш** механизми жорий этилсин;

экологик ҳуқуқбузарлик содир этганларга нисбатан зарарни қоплаш билан бир қаторда, зарар етказилган **табiiт объектини тиклаш** ва унинг **муайян муддат давомида муҳофаза қилинишини таъминлаш мажбурияти** юклансин;

б) **сув ресурсларини муҳофаза қилиш** ва улардан оқилона фойдаланиш мақсадида **2024 йил 1 январдан бошлаб:**

республиканинг узоқ муддатли **сув баланси прогнозини** юритиш, шу жумладан, уни ҳар йили янгилаш ва сув ресурсларини тежаш дастурларини қабул қилиш амалиёти йўлга қўйилсин;

Қорақалпоғистон Республикаси ва Хоразм вилоятининг, кейинчалик эса **босқичма-босқич республиканинг барча ҳудудларининг** қишлоқ хўжалиги маҳсулотлари етиштирувчиларига **сувени тежайдиган технологияларни** жорий қилиш учун кредитлар **10 фоиз** ставкада (фоиз ставкаларини субсидиялаш ҳисобига) ажратилиши таъминлансин;

в) **атмосферага зарарли** ташланмалар ҳажмини камайтириш мақсадида халқаро **“карбон маркет”** тизими доирасида қишлоқ хўжалиги маҳсулотлари етиштирувчилар томонидан барпо этиладиган **яшил майдонларни ташкил қилиш харажатларини қисман жалб қилинган** грант маблағлари ҳисобидан компенсация қилиш амалиёти йўлга қўйилсин.

Бунда барпо этилган **яшил майдонлар** (яйловларни озуқабот экинлар билан, қишлоқ хўжалиги ерларини дарахтлар билан қоплаш) бўйича компенсациялар **иссчиюна газларини зарарсизлантириш даражасига мутanosиб** равишда ажратилади.

12. “Ўзбекистон — 2030” стратегиясининг **сув ресурсларини тежаш ва атроф-муҳитни муҳофаза қилиш** йўналиши бўйича:

2023 йилга мўлжалланган амалий тадбирлар режаси 3-иловага мувофиқ;

2023-2024 йилларга мўлжалланган мақсадли кўрсаткичлар 3а-иловага мувофиқ;

2023 йилда ишлаб чиқиладиган норматив-ҳуқуқий ҳужжатлар лойиҳалари рўйхати 36-иловага мувофиқ тасдиқлансин.

13. “Ўзбекистон — 2030” стратегиясининг **қонун устуворлигини таъминлаш, халқ хизматидаги давлат бошқарувини ташкил этиш** йўналиши доирасида:

а) давлат хизматларини кўрсатишда **аҳолига янада қулайлиқлар яратиш** ва **ортиқча сансалорликларга барҳам бериш** мақсадида:

2024 йил 1 январдан бошлаб аҳолига йўл ҳаракати хавфсизлиги соҳасида давлат хизматларини кўрсатишда, шу жумладан, автоматотранспорт воситаларини **давлат рўйхатидан ўтказишда** автоматотранспорт воситасининг **олди-сотди шартномалари ва бошқа нотариал тасдиқланган битимларни** “Нотариус” автоматлаштирилган ахборот тизимидан олиш амалиёти йўлга қўйилсин ва ариза берувчилардан **мазкур ҳужжатларни талаб қилиш тақиқлансин**;

2024 йил 1 мартдан бошлаб нотариал идорага **келмасдан**, шу жумладан, **чет элдан туриб мол-мулкдан фойдаланиш** билан боғлиқ битимларни (мулк ҳуқуқини бошқа шахсга ўтказишдан ташқари) **электрон рақамли имзодан фойдаланиб, видео-конференцалоқа орқали расмийлаштириш** тартиби йўлга қўйилсин;

б) **2024 йил 1 январдан бошлаб** босқичма-босқич барча шаҳар ва туманларда **“Маҳалла бюджети”** тизими жорий этилсин.

Бунда туман ва шаҳар бюджетларига тушадиган солиқ тушумларининг бир қисми маҳаллаларнинг ижтимоий-

иқтисодий муаммоларини ҳал қилиш жамғармаларига йўналтирилиши белгилансин;

в) **ташаббусли бюджет амалиётини** ва маҳаллаларнинг **молиявий мустақиллигини янада кенгайтириш** мақсадида **2024 йилда** жамоатчилик фикри асосида шакллантириладиган лойиҳаларни молиялаштириш учун Давлат бюджетидан **10 триллион сўм**, шундан “Обод қишлоқ” ва “Обод маҳалла” дастурлари учун камида **4 триллион сўм** йўналтирилсин; г) **2024 йил якунига қадар** қонунда белгиланган асосларда тезкор-қидирув ва тергов ҳаракатларига санкция бериш масаласини алоҳида судьялар — **тергов судьялари** томонидан қўриб чиқиш тартиби жорий этилсин;

д) тадбиркорлик соҳасида жавобгарликни янада либераллаштириш мақсадида **2024 йил 1 январдан бошлаб:**

биринчи марта жиноят содир этган шахсни, агар у **суд маслаҳатхонага киргунига қадар** солиқлар ва йиғимлар, шу жумладан, пенялар ва бошқа молиявий санкциялар тарзида **давлатга етказилган зарарнинг ўрнини тўлиқ қопласа, жавобгарликдан озод қилиш**; тадбиркорлик субъектларига нисбатан кўзғатилган ҳар бир жиноят иши бўйича тергов ҳамда суд жараёнида тегишли мансабдор шахс **жиноят иши материалларини иш юритувига қабул қилган вақтдан бошлаб** тадбиркорни ҳимоя қилишга Бизнес-омбудсман, Савдо-саноат палатаси, шунингдек, тадбиркорлик субъекти аъзо ҳисобланган бошқа ташкилотни **жамоат ҳимояси сифатида жалб этиш** (хабар қилиш) тартиби жорий этилсин;

е) **2024 йил 1 январдан бошлаб** аҳоли пунктларида барча янги қурилаётган икки ва ундан ортиқ полосали автомобил йўлларида пидёларар ўтиш йўлакларини светофорлар билан тўлиқ жиҳозлаш мажбурий этиб белгилансин.

14. “Ўзбекистон — 2030” стратегиясининг **қонун устуворлигини таъминлаш, халқ хизматидаги давлат бошқарувини ташкил этиш** йўналиши бўйича:

2023 йилга мўлжалланган амалий тадбирлар режаси 4-иловага мувофиқ;

2023-2024 йилларга мўлжалланган мақсадли кўрсаткичлар 4а-иловага мувофиқ;

2023 йилда ишлаб чиқиладиган норматив-ҳуқуқий ҳужжатлар лойиҳалари рўйхати 46-иловага мувофиқ тасдиқлансин.

15. “Ўзбекистон — 2030” стратегиясининг **“хавфсиз ва тинчликсевар давлат” тамойилига асосланган сиёсатини изчил давом эттириш** йўналиши доирасида Инвестициялар, саноат ва савдо вазирлиги Таъқи ишлар вазирлиги билан биргаликда жорий йилнинг ноябрь ойида Тошкент шаҳрида Иқтисодий ҳамкорлик ташкилотининг учрашуви юқори савияда ўтказилишини таъминласин.

16. “Ўзбекистон — 2030” стратегиясининг **“хавфсиз ва тинчликсевар давлат” тамойилига асосланган сиёсатни изчил давом эттириш** йўналиши бўйича:

2023 йилга мўлжалланган амалий тадбирлар режаси 5-иловага мувофиқ;

2023-2024 йилларга мўлжалланган мақсадли кўрсаткичлар 5а-иловага мувофиқ;

2023 йилда ишлаб чиқиладиган норматив-ҳуқуқий ҳужжатлар лойиҳалари рўйхати 56-иловага мувофиқ тасдиқлансин.

17. Ахборот ва оммавий коммуникациялар агентлиги (А.Ходжаев), Ўзбекистон Миллий телерадиокомпанияси (А.Хаджаев) ва Ўзбекистон Миллий ахборот агентлиги (А.Қўчимов) оммавий ахборот воситалари билан биргаликда **мунтазам равишда:** **“Ўзбекистон — 2030” стратегиясини 2023 йилда амалга ошириш натижаларининг** оммавий ахборот воситаларида, шу жумладан, Интернет жаҳон ахборот тармоғида ва ижтимоий тармоқларда кенг шарҳлаб борилишини ҳамда унинг мазмун-моҳияти жамоатчиликка тушунтирилишини;

“Ўзбекистон — 2030” стратегияси доирасида амалга оширилаётган **барча тадбирларнинг ижроси ва натижалари** тўғрисидаги ҳолис ва тўлиқ маълумот аҳолига тезлик билан етказилишини таъминласин.

18. Мазкур қарор ижросини самарали ташкил қилишга масъул ва шахсий жавобгар этиб **вазирлик ва идоралар раҳбарлари, Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари** белгилансин.

Қарор ижросини мунтазам равишда муҳокама қилиб бориш, ижро учун масъул ташкилотлар фаолиятини мувофиқлаштириш ва назорат қилиш **“Ўзбекистон — 2030” стратегиясини амалга ошириш бўйича Республика комиссияси** зиммасига юклансин.

Ўзбекистон Республикаси Президенти	Ш. МИРЗИЁЕВ
Тошкент шаҳри, 2023 йил 11 сентябрь	

КОНСТИТУЦИЯВИЙ ИСЛОҲОТЛАР ИЖРОСИДА МАСЪУЛИК

➡ Бугунги кунда Гулистон шаҳрида кўп қаватли 398 та уй мавжуд. Урашувлар давомида депутатлар дастурга асосан маҳаллалардаги кўп қаватли 7 та уйнинг фасад қисмини базальт қоплама билан қоплаш жараёнини “Намуна” маҳалла фуқаролар йиғини мисолида ўрганди.

Очик мулоқотлар чоғида кўп қаватли хонадонларда куз-қиш мавсумида газ, электр таъминотидаги узилишлар билан боғлиқ муаммоларни бартараф этиш бўйича ишларни тез ва сифатли бажариш юзасидан мутасаддиларга тегишли тақлиф ва тавсиялар берилди.

Қонунчилик палатаси депутатларининг навбатдаги манзили — Мирзабод тумани бўлди. Бу ерда улар асосий эътиборни саноат ва тадбиркорлиқни ривожлантириш орқали аҳоли бандлигини таъминлаш, куз-қиш мавсумига тайёргарлик борасида амалга оширилаётган ишларга қаратди.

Дастлаб депутатлар тумanning “Наврўз”, “Баҳористон” маҳалла фуқаролар йиғинларида жойлашган тадбиркорлик субъектлари фаолиятини ўрганди. Ишчи-ҳодимлар билан суҳбатда

юртимизда тадбиркорлиқни ривожлантириш, уларни ҳар томонлама қўллаб-қувватлаш, эркин ва самарали фаолият кўрсатишлари учун зарур шароитлар яратиш бўйича амалга оширилаётган ислохотлар ҳақида кенг маълумотлар берилди.

Шунингдек, фермер ва деҳқон хўжаликлари, фуқаролар хонадонларида “маҳалладаги бешлик”, сектор раҳбарлари, фермерлар, аҳоли ва жамоатчилик вакиллари билан учрашув ва мулоқотлар бўлиб

